

UGOVOR

UGOVORNE STRANE

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida, ul. Širokac 22, Sarajevo, koga zastupa direktor Zijadić Suad, prof. (u daljem tekstu: **Ugovorni organ**)

i

«**PANPROJEKT**» d.o.o. Hadžići, ul. Hadželi br.143, Hadžići, koga zastupa direktor Abdulselam Teskeredžić, dipl.ing.arh. (u daljem tekstu: **Dobavljač**)

I PREDMET UGOVORA

Član 1.

Ugovorne strane su saglasne da je predmet ovog ugovora izrada glavnog projekta za spomen obilježja šehidima I Slavne brigade (na 4 lokacije), a sve prema Projektnom zadatku koji sa ponudom Dobavljača br:16-1/18 od 20.03.2018.godine čini sastavni dio ovog ugovora.

Član 2.

Ugovorne strane su saglasne da će Dobavljač izraditi projekat u 3 (tri) primjerka u pisanoj formi i 1 (jedan) primjerak projekta u digitalnoj (elektronskoj) formi.

II CIJENA I NAČIN PLAĆANJA

Član 3.

Ugovorene strane su saglasne da netto vrijednost Ugovora iznosi	5.950,00 KM
Vrijednost PDV 17% iznosi	1.011,50 KM

Ugovorne strane su saglasne da ukupna vrijednost ugovora sa uključenim PDV 17% iznosi

6.961,50 KM

(slovima: šesthiljadadevetstošezdesetjedan i 50/100 KM)

Član 4.

Ugovorni organ se obavezuje da će isplatiti ugovorenu cijenu Dobavljaču po predaji predmeta ugovora, a u roku 15 (petnaest) dana od datuma prijema uredno ovjerene fakture.

III ROK IZVRŠENJA PREDMETA UGOVORA

Član 5.

Ugovorene strane su saglasne da je rok za izradu projekta 90 /devedeset/ kalendarskih dana od dana obostranog potpisivanja ugovora.

Rokovi mogu biti produženi samo u slučaju više sile, objektivnih okolnosti koje su uticale na neispunjenja obaveze jedne od ugovornih strana prema drugoj ugovornoj strani i/ili na osnovu pismenog dogovora ugovornih strana. Pod višom silom podrazumijevaju se

elementarne nepogode većih razmjera, kao i eventualni društveni poremećaji koji mogu uticati na realizaciju ovog ugovora, a objektivne okolnosti će ugovorne strane u svakom konkretnom slučaju definisati pismenim putem.

Ugovorne strane moraju pismeno obostrano konstatovati da su nastupili uvjeti koje smatraju višom silom ili objektivnim okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

Član 6.

U slučaju kašnjenja u pružanju usluge, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge, koja je predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

IV OBAVEZE UGOVORNIH STRANA

Član 7.

Dobavljač se obavezuje:

- da usluge obavi profesionalno;
- da usluge obavi kvalifikovanom radnom snagom sa potrebnim iskustvom za ovu vrstu posla;
- da projekat dostavi u 3 (tri) primjerka u pisanoj formi i 1 (jedan) primjerak projekta u digitalnoj (elektronskoj) formi;

Član 8.

Ugovorni organ se obavezuje:

- da će obezbijediti sredstva za realizaciju ovog ugovora iz člana 3. ovog ugovora i da će Dobavljaču platiti na način i pod uslovima kako je to utvrđeno u ovom Ugovoru.

V OSTALE ODREDBE

Član 9.

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog Ugovora, ukoliko do štete dođe njenom krivicom, odnosno činjenjem ili nečinjenjem i/ili propuštanjem rokova utvrđenih u ovom ugovoru. Visina naknade za pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima.

Član 10.

Dobavljač se obavezuje da će za ugovorenu cijenu u predmet ugovora ugraditi sve eventualne sugestije i prijedloge Ugovornog organa koji nisu u suprotnosti sa strukom i propisima koji su korišteni za njegovu izradu.

Član 11.

Ukoliko dođe do problema tokom izvođenja radova, a uzrokovani su nedostacima u projektu, Dobavljač je dužan o svom trošku otkloniti nedostatke u projektu.

Član 12.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

Član 13.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle riješiti na predviđeni način, isti će rješavati nadležan sud u Sarajevu.

Član 14.


Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 15.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

**ZA UGOVORNI ORGAN
DIREKTOR**

Suad ~~Zilic~~ **lić, prof.**




Broj:13-14-02-130/18
Sarajevo, 22.03.2018.god.

**ZA DOBAVLJAČA
DIREKTOR**

Abduselam Teskerdžić, **dipl.ing.**



Broj: 20/2018
Sarajevo, 27.03.2018



FOND MEMORIJALA

FOND KANTONA SARAJEVO ZA IZGRADNJU I OČUVANJE
GROBALJA ŠEHIDA I POGINULIH BORACA, MEMORIJALNIH
CENTARA I SPOMEN-OBILJEŽJA ŽRTAVA GENOCIDA

MEMORIAL FUND

SARAJEVO CANTON FUND FOR CONSTRUCTION
AND PRESERVATION OF VETERAN'S CEMETERIES, MEMORIAL
CENTRES, AND MONUMENTS FOR GENOCIDE VICTIMS

Broj: 13-23-130/18
Sarajevo, 14.03.2018. godine

PROJEKTNI ZADATAK

Za izradu glavnog projekta za spomen obilježja šehidima i poginulim borcima 1. Slavne – 111. Viteške brigade, na četiri lokacije

Građevina: Spomen obilježje šehidima i poginulim borcima 1. Slavne – 111. Viteške brigade

Investitor: Fond memorijala

Na temelju dostavljenih zahtjeva od strane Udruženja "1. Slavna – 111. Viteška brigada" Sarajevo, za izgradnju 4 (četiri) spomen obilježja šehidima i poginulim borcima, Fond memorijala je pokrenuo aktivnosti na realizaciji projekta izgradnje ovih spomen obilježja.

Naime, radi se o vrlo značajnim i za odbranu Sarajeva presudnim datumima i bitkama, koje je neophodno primjereno obilježiti, ističući imena šehida i poginulih boraca, od kojih su neki posthumno odlikovani i najvišim ratnim priznanjem – značkom "Zlatni ljiljan". Izgradnjom ovih spomen obilježja afirmisat će se značaj presudnih bitaka u sveukupnoj odbrani univerzalnih ljudskih vrijednosti, za koje su se žrtvovali najhrabriji borci.

Na temelju izvršenih predradnji, koje je projektant dužan obaviti prije početka rada na izradi glavnog projekta spomen obilježja, a to su:

- obilazak predloženih lokacija sa predstavnicima Udruženja, i detaljan vizuelni pregled stanja istih, kao i razmatranje eventualnih alternativnih lokacija;
- razgovor sa predstavnicima Udruženja, s ciljem upoznavanja sa pričom o ovim hrabrim ljudima, koja treba da predstavlja istinsku inspiraciju za projektovanje spomen obilježja, a koje simbolično treba da odražava njihovu hrabrost i ustrajnost u borbi;
- priprema i prezentacija idejnog rješenja spomen obilježja, koje će biti predočeno predstavnicima investitora i Udruženja, s ciljem usvajanja istog,

izraditi *Glavni projekat spomen obilježja šehidima i poginulim borcima 1. Slavne – 111. Viteške brigade, na četiri lokacije.*

Projektom zadatkom se traži tipsko rješenje 4 (četiri) spomen obilježja šehidima i poginulim borcima, koja će proporcionalno i vizualno biti uniformisana, dok će se dimenzije istih prilagođavati broju imena šehida i poginulih boraca, koja će se naći na pojedinim spomen obilježjima, uz poštivanje svih pravila struke i tehničkih normativa za ovu vrstu objekata.

Spomen obilježja trebaju biti projektovana od izdržljivog materijala – kamen visoke čvrstoće, isključivo masiv sa kvalitetnim ispisom imena u masivu, i po potrebi drugim pratećim sadržajima i urbanim mobilijarom – plato, klupa, korpe isl., primjereno specifičnostima svake pojedinačne lokacije.

Kako je predhodno navedeno, neki od šehida i poginulih boraca posthumno su odlikovani najvećim ratnim priznanjem – značkom "Zlatni ljiljan", te je neophodno osmisliti najbolji i najprimjereniji način da se to i istakne na spomen obilježjima.

I Spomen obilježje za 4 (četiri) Zlatna ljiljana

Uz poštivanje svih predhodno navedenih uslova i zahtjeva investitora, izraditi Glavni projekat spomen obilježja za 4 (četiri) Zlatna ljiljana, u naselju Stup, Općina Ilidža, nedaleko od mosta na rijeci

Dobrinji, na kraju ulice Zdenka Markulja, u neposrednoj blizini mjesta pogibije. Naime, dana 04.08.1992. godine, 4 (četiri) pripadnika MAD-a Regionalnog štaba Sarajevo, dali su svoje živote u borbenim dejstvima u BOV-u, kojeg su agresorske snage direktno pogodile minobacačkim projektilom. Za njihovu ličnu istrajnost, požrtvovanje i hrabrost posthumno su odlikovani najvišim ratnim priznanjem – značkom “Zlatni ljiljan”.

Poštujući proporcije i vizualni izgled usvojenog idejnog rješenja, spomen obilježje dimenzionirati za ispis 4 (četiri) imena i primjerenog teksta. Spisak imena, za ispis za ovom spomen obilježju, bit će dostavljen naknadno, od strane Udruženja “1. Slavna – 111. Viteška brigada” Sarajevo.

II Spomen obilježje za 5 (pet) šehida i poginulih boraca

Uz poštivanje svih predhodno navedenih uslova i zahtjeva investitora, izraditi Glavni projekat spomen obilježja za 5 (pet) šehida i poginulih boraca, u naselju Stup, Općina Ilidža, u neposrednoj blizini mjesta njihovog nestanka – pogibije, na ulazu u TAT, odnosno na početku Tvorničke ulice. Naime, dana 01.09.1992. godine, 5 (pet) pripadnika 1. sandžačke brigade 1. korpusa Armije RBiH, dali su svoje živote u borbenim dejstvima za oslobađanje TAT-a na Stupu i teritorije Ilidže. Vodili su se kao nestali borci, a njihova tijela su kasnije razmijenjena. Jedan od njih je, za ličnu istrajnost, požrtvovanje i hrabrost, posthumno odlikovan najvišim ratnim priznanjem – značkom “Zlatni ljiljan”.

Poštujući proporcije i vizualni izgled usvojenog idejnog rješenja, spomen obilježje dimenzionirati za ispis 5 (pet) imena i primjerenog teksta. Spisak imena, za ispis za ovom spomen obilježju, bit će dostavljen naknadno od strane Udruženja “1. Slavna – 111. Viteška brigada” Sarajevo.

III Spomen obilježje za 11 (jedanaest) šehida i poginulih boraca

Uz poštivanje svih predhodno navedenih uslova i zahtjeva investitora, izraditi Glavni projekat spomen obilježja za 11 (jedanaest) šehida i poginulih boraca, u dvorištu JU “Šesta osnovna škola” Idliža, u neposrednoj blizini mjesta njihove pogibije u Azićima i Doglodima, Općina Ilidža. Naime, 11 (jedanaest) pripadnika 13. novosarajevske brigade i 1. sandžačke brigade, kasnije 1. mehanizovane brigade 1. korpusa Armije RBiH dali su svoje živote tokom augusta i septembra 1992. godine, i februara 1993. godine na Stupu, u Azićima i u Doglodima, u borbenim dejstvima za odbranu i oslobađanje teritorije Ilidže i Novog Grada. Dvojica od šehida i poginulih boraca, koji su stradali ovom prilikom, posthumno su, za ličnu istrajnost, požrtvovanje i hrabrost, odlikovani najvišim ratnim priznanjem – značkom “Zlatni ljiljan”.

Poštujući proporcije i vizualni izgled usvojenog idejnog rješenja, spomen obilježje dimenzionirati za ispis 11 (jedanaest) imena i primjerenog teksta. Ovaj broj od 11 (jedanaest) imena nije konačan, i postoji mogućnost da će broj imena biti znatno veći. Spisak imena, za ispis za ovom spomen obilježju, bit će dostavljen naknadno od strane Udruženja “1. Slavna – 111. Viteška brigada” Sarajevo.

IV Spomen obilježje za 34 (tridesetčetiri) šehida i poginula borca

Uz poštivanje svih predhodno navedenih uslova i zahtjeva investitora, izraditi Glavni projekat spomen obilježja za 34 (tridesetčetiri) šehida i poginula borca. Lokacija na kojoj će se graditi ovo spomen obilježje je u Gluhači, Sinanovići, Općina Trnovo, na mjestu gdje je bio vojnički logor i istureno komandno mjesto 1. Slavne motorizovane, kasnije 111. Viteške brdske brigade, na mjestu gdje je izvršena smotra jedinica, koje su učestvovala u borbenim dejstvima 01.10.1994. godine. Dvojica od šehida i poginulih boraca, koji su stradali ovom prilikom, posthumno su, za ličnu istrajnost, požrtvovanje i hrabrost, odlikovani najvišim ratnim priznanjem – značkom “Zlatni ljiljan”.

Poštujući proporcije i vizualni izgled usvojenog idejnog rješenja, spomen obilježje dimenzionirati za ispis 34 (tridesetčetiri) imena i primjerenog teksta. Spisak imena, za ispis za ovom spomen obilježju, bit će dostavljen naknadno od strane Udruženja “1. Slavna – 111. Viteška brigada” Sarajevo.

Glavni projekat za svako pojedinačno spomen obilježja, uz zakonom predviđene priloge, treba da sadrži sljedeće:

- tehnički opis
- predmjer i predračun radova
- statički proračun
- situaciono rješenje
- tlocrt spomen obilježja

- presjek
- karakteristični pogledi
- detalj ispisa imena
- prostorni prikaz

Za svako pojedinačno spomen obilježje Glavni projekat dostaviti u 3 (tri) printana i 1 (jednom) digitalnom promjerku.

Obradila:

Lejla Durmišević, *d i a*

Kontrolisala:


Fedina Ljuburčić, *d i g*

DIREKTOR

Suad Zijađić, profesor





Broj:16-1/18
Hadžići, 17.03.2018 godine

FOND MEMORIJALA
SARAJEVO

LEK: 13-49-130/18
DATUM: 20-03-2018

FOND MEMORIJALA
Širokac br. 22
SARAJEVO

Predmet: Ponuda, - dostavlja se.
Veza: Vaš broj:13-49-130/18 od 15.03.2018 godine.


Poštovani,

na osnovu Vašeg zahtjeva za dostavljanje ponude za izradu **“Glavnog projekta za spomen obilježja šehidima 1. Slavne brigade (na 4 lokacije)”**, dostavljamo Vam ponudu kako slijedi:

Ponuda obuhvaća izradu glavnog projekta u 3 (tri) printana primjerka i 1 (jedan) u digitalnom obliku, a prema datom projektnom zadatku.

1. **Naziv firme:** „PANPROJEKT“ d.o.o. HADŽIĆI
2. **Adresa firme:** Hadželi 143, 71240 HADŽIĆI
3. **Cijena usluge:**
 - a. bez PDV-a iznosi 5.950,00 KM
 - b. PDV 17% 1.011,50 KM
 - c. sa uračunatim PDV 6.961,50 KM
4. **Rok izrade:** 90 kalendarskih dana od dana obostranog podpisivanja ugovora.
5. **Uslovi plaćanja:** Po predaji projekta, 100% od vrijednosti posla.
6. **Opcija ponude:** 90 dana.

S poštovanjem,



Direktor

Teskeredžić
Teskeredžić Abdulsalam dipl.ing.arh.

Prilog ponudi:

- Registracija preduzeća
- Uvjerenje o poreskoj registraciji /ID broj/
- Uvjerenje o registraciji obveznika poreza na dodatnu vrijednost /PDV/